

ISITATIMENDE SABEZINDABA NGEZINGXOXO PHAKATHI KUKASARS NEZINYUNYANA

22 kuNhlaba 2022 - Ubuholi boPhiko Lwemisebenzi Yemalingeniso Eqoqwayo (SARS) buhlangane Nezinyunyana ebezimelwe yi-National Education Health and Allied Workers Union (NEHAWU) kanye ne-Public Servants Association of South Africa (PSA) ukuzothola isisombululo ezindabeni izinyunyana ezizibona ziyingxabano.

Sibasisile abaholi bezinyunyana zombili ukuthi lokhu okuyizimfuno zabo okuyi-CPI + 7% ngeke sikwazi ukumelana nazo.

Njengazo zonke izikhungo zikahulumeni, uSARS nawo uchaphazelwe izinselelo zezimali izwe elibhekene nazo, ngenxa yalokho-ke, ezimalini uSARS ozabelwa uMgcinimafa Kazwelonke, ayikho ebizohlinzekela ukunyuswa kwamaholo. Ngendlela yabo yokuqaphela ekulawuleni izindleko, nezinye izinhlelo, ngalokho uSARS uzokwazi ukwenza kube nemali abazokwazi ukuyinika izisebenzi ezingaphansi kwenkethabakhulumyelwa i-Bargaining Unit.

Lezi zimali zivela emalini esiyongile onyakeni owedlule (2021/22) kanjalo nakule okubonakala ukuthi sizokwazi ukuyonga kulo nyaka ophezulu (2022/23) esinikwe igunya lokuyisebenzisa ezindlekweni zabantu. UKhomishana Kieswetter uthi: “Kuyintokozo kimi ukuthi ngaphansi kwezimo ezinzima kangaka siyakwazi ukuhlinzeka usizo lokwehlisa umthwalo wezimali ezisebenzini zethu. Ngikhumbuza izisebenzi zethu ukuthi sinenhlahlala ngokwedlulele ngokuthi sisasebenza ngesikhathi lapho abaningi bengasebenzi futhi bentula ngokwezimali.”

Emva kokuhlala kwesithangami esiphuthumayo nezinyunyana i-National Bargaining Forum ngoMgqibelo, mhla zingama-21 kuNhlaba 2022, izinyunyana zaziswa ngesiphakamiso somqashi zase ziqala izingxoxo noSARS ngezindlela okuzokwabiwa ngayo le mali ekhona ekusizeni ukwethula umthwalo kuzisebenzi, nangemizamo yokusombulula lolu daba.

USARS wenze lesi siphakamiso ngokusemthethweni ezinyunyaneni ngeSonto, mhla zingama-22 kuNhlaba 2022, njengesivumelwano sokugcina esiqeda udaba lokunyuswa kwemihlo yonyakamali 2022/23 Substantive Wage Negotiations, okungenanhloso yokubandlulula. Izinyunyana zizokhulumisana namalungu azo ukuze zithole umyalelo, emva kwalokho sizohlangana futhi kuqhutshekwe nezingxoxo.

USARS uphinde wazinikela ekuqhubekeni nezingxoxo ngezinye izinto ezingeyona imali okukhulumnywe ngazo, ukuze kubukezwe kuphinde kwenziwe ngcono imihlomulo yokugcina izisebenzi enkampanini. Le nqubo iqale maphakathi nonyaka wonyaka owedlule.

Ubuholi bakwaSARS buyathokoza ngokuvuseleleka kwezingxoxo phakathi kwezinhlangano ngodaba lwemihlo, kanti futhi bunethemba lokuthi kuzoba okwakhayo

nokuyimpumelelo. Sisenethemba lokuthi lokhu esikubeke etafuleni, ngakho singakwazi ukusombulula lolu daba bese siqhubekela phambili sigxile ekusizeni abakhokhintela senze nokuyiwona myalelo wethu osemqoka wokusiza.

Ngolwazi olwengeziwe, xhumana ne SARSMedia@sars.gov.za

IYAPHELA